



SMALL BUSINESS

ESSENTIAL TAX GUIDE



Follow us on



LETLAKALANA LA SARS LE BOHLOKWA LA MOTŠHELO WA DIKGWEBO TŠE NNYANE

Tlhahli ye e fana ka tshedimošo e bohlokwa ya Dikgwebo tše Nnyane, Maekro le tša go Lekanela (SMME's) le boitlemo bja tšona bja go nyalelana le ngwadišo ya motšhelo, go faela, le ditefelo tša Ditirelo tša Motšhelo tša Afrika Borwa (SARS). Gape e akaretša tshedimošo ya mehuta ya go fapana ya motšhelo yeo o ka e lefelago go ya ka saese le mohuta kgwebo ya gago.

Ka lebaka la boitlemo bjo bontši bja semolao le motšhelo bjo bo amanago le mehuta ya go fapana ya dikgwebo, pele o thoma ka kgwebo ya gago, sa mathomo kgetha mohuta wa setheo seo o nyakago go se thoma.

Maikarabelo a Mong wa Kgwebo

Mafelelong, beng ba dikgwebo ba ba le maikarabelo a go faela le go dira ditefelo go SARS ka nepo gape ka nako. Se se phethagala go sa kgathale ge eba o na le Setsebi sa Motšhelo goba motho yo mongwe yo a šomanago le merero ya gago ya motšhelo.

Ditefelo tša Motšhelo



Ditefelo tša motšhelo di ka dirwa ka go diriša eFiling goba thwii ka thomelo ya panka. Ditefelo di swanetše go dirwa ka nako go efoga di tswala le dikotlo. Ditefelo tša tšeke ga di sa dumelelwa ka morago ga Disemere 2020.

Poloko ya direkhoto



Poloko e botse ya direkhoto e go thuša go hlalosa seo se laodišitšwego go pušetšo ya gago ya motšhelo wa letseno ge go ka diragala gore SARS e be le diputšišo bakeng sa tshedimošo yeo e laodišitšwego. Go boloka ditokumente tša thekgo bjale ka dilipi tša thekišo, ditlankana, dirasiti, dilipi tša tšiposisi ya panka le ditokumente tše dingwe go thuša go laola merero ya gago ya motšhelo kaone le go tiišetša gore o dule o obamela motšhelo.

Mehuta ya dikgwebo le maikarabelo a motšhelo

Mehuta ya kgwebo	Tlhaloso	Maikarabelo a Motšhelo
Mogweba Noši / Mong wa kgwebo	Ke kgwebo e nnyane gomme e sepetšwa ke batho ba go itšhomela, E akaretša dikgwebo yeo e sego tša semmušo. Ga go hlokege go ingwadiša le Khomišene ya Khamphani le Thoto ya Kakanyo (CIPC).	Ngwadiša bakeng sa Motšhelo wa Letseno la Mong (PIT) gomme o laodiše letseno la kgwebo ya gago go Pušetšo ya Motšhelo wa Letseno la batho ka Noši (ITR12). Moo o hlokago go lefela SARS, o swanetše o dire bjale pele ga letšatši la mafelelo la tefelo le laetšwa go Tsebišo ya gago ya Kelo (ITA34).
Dikgwebokgwerano	Batho ba ba bedi goba go feta bao ba nago le dikgatlhego tša go swana bao ba tsenelago kgwebo mokopanelwa. Ga go hlokege go ingwadiša le CIPC. Mogwebi yo mongwe le yo mongwe o tšheledišwa ka thoko go ya ka kabelo ya gagwe mo kwebong.	Ngwadiša bakeng sa Motšhelo wa Letseno la Mong (PIT) gomme o laodiše letseno la kgwebo ya gago go Pušetšo ya Motšhelo wa Letseno la batho ka Noši (ITR12), Moo o hlokago go lefela SARS, o swanetše o dire bjale pele ga letšatši la mafelelo la tefelo le laetšwa go Tsebišo ya gago ya Kelo (ITA34).
Dikhamphani tša Praebete / Setšhaba goba Dikoporasi tša go Tswalelwa	Dikgwebo tša semmušo tšeo di hlokago go ngwadišwa le CIPC gomme di hwetše nomoro ya ngwadišo. Khamphani e arogantšwe go mong gomme mong o swanetše go romela pušetšo ya gagwe ya Motšhelo wa Letseno la Mong (ITR12)	<ul style="list-style-type: none"> » Ngwadišo ya othomethiki bakeng sa Motšhelo wa Letseno la Koporeiti (CIT) ge o ngwadiša le CIPC gomme o laodiša CIT ngwaga ka ngwaga go ITR14. » Ngwadiša bakeng sa VAT – ge eba o a khwalifaya Ngwadiša bakeng sa PAYE – ge eba o a khwalifaya le metšhelo ya Kgwebo e Nnyane e Kgethegilego: Motšhelo wa Palomoka ya poelo, SBC goba ETI. » Tefelo ya metšhelo
Dikgwebotlemano	Kgwebotlemano e tlhonga ge sehlopha sa batho, bao ba nago le dikgatlhego tša go swana, ba kopana mmogo go fihlelela ditebo tše dingwe tša ekonomi, selegae goba setšo, bjale ka stokfele, phonkgelelo ya temo ya setšhaba bjale le bjale. Kgwebotlemano e swanetše go ngwadiša le CIPC. Dikgwebotlemano di lefišwa motšhelo bjale ka dikhamphani.	Lebelela Dikhamphani tša Praebete / Setšhaba goba Dikoporasi tša go Tswalelwa

Na o ka ngwadiša neng bakeng sa Motšhelo?



Ge o fetša go ngwadiša khamphani ya gago le Khomišene ya Khamphani le Thoto ya Kakanyo (CIPC) yeo kgale e bego e bitšwa CIPRO go www.cipc.org.za, SARS e tla go direla ka go itiriša nomoro tšhupetšo ya Motšhelo wa Letseno la Khamphani (CIT). Baemedi ba kgwebo ba swanetše go ngwadiša go SARS eFiling go mpshafatša tshedimošo, go dira ditransekšene ka elektroniki gape gabonolo le SARS.

Mogwebi yo a Itšhomelago / Mogweba Noši goba batho bao lego go Kgwebišano ba swanetše go ngwadiša bakeng sa Motšhelo wa Letseno la Mong (PIT) thwii le SARS ka SARS eFiling.

Boitlamo bja gago bja Motšhelo

Ekaba kgwebo ya motho yo a itšhomelago ka noši goba kgwebo, o swanetše go Ngwadiša kgwebo ya gago le SARS; faela dipušetšo tša gago tša motšhelo le go lefela metšhelo yeo e hlokegago ka nako.

Mokgwa o bonolo wa go ikgokaganya le SARS

Kgokaganyo e ntši ga gago le SARS e tla diragala ka inthanete ka SARS eFiling. Ge eba o gweba bjale ka mogwebanoši gomme ga o na nomoro tšhupetšo ya motšhelo, o swanetše go ngwadiša pele bjale ka molefela motšhelo go eFiling go dira profaele gomme o tla direlwa nomoro tšhupetšo ya motšhelo. Go ngwadiša bakeng sa eFiling:

- » Etela SARS website www.sars.gov.za gomme o kgotle eFiling gomme o kgotle REGISTER NOW; goba
- » Ge eba o gweba bjale ka Mogweba Noši goba Kgwebišano - Taonelouta SARS MobiApp go *Google Play Store (Android)* goba *App Store (Apple devices)* gomme o kgotle go 'REGISTER'.
- » Gape o ka lebelela go video ya inthanete "How to register for eFiling" go kanale ya SARS TV YouTube.

Ge tshedimošo ya gago e mpshafadišwe, kudu dintlha tša go pank, dintlha tša kgokaganyo le baemedi ba kgwebo, o ka ngwadiša bakeng sa metšhelo e mengwe bjale ka VAT, PAYE, bjale le bjale. go eFiling, ntle le go etela lekala la SARS.

Metšhelo e Kgethegilego yeo e amago Dikgwebo tše Nnyane

Go na le dikholego tše mmalwa tša motšhelo (dikgoketši) go dikgwebo tše nnyane tšeo di khwalifayago bjale ka Motšhelo wa Palomoka ya Poelo (TOT), Metšhelo ya Koporeite ya Dikgwebo tše Nnyane (SBC) le Dikgoketši tša Motšhelo wa Mongmošomo (ETI).

1. Motšhelo wa Poelo ya kgwebo (TOT)

Motšhelo wa Poelo ya kgwebo o nepile go fokotša le go nolofatša obamelo ya motšhelo le kimelo ya taolo go dikgwebo tše nnyane tša Poelo ya kgwebo ya R1 million goba ka fase.

Motšhelo wa Poelo ya kgwebo ke mokgwatšhomo o tee wo emego legatong la Motšhelo wa Letseno, VAT, Motšhelo wa Motšwaoswere, Motšhelo wa Dipelo tša Matlotlo le Motšhelo wa Didividente. Dikgwebo tša go khwalifaya di tla laodiša le go lefela motšhelo wo o tee (1) (ntle le ge kgetho ya VAT goba PAYE) gomme di tla thoma go lefela motšhelo ge poelo ya kgwebo ya ngwaga e feta R335 000.



Lemoga:

Dikgwebo tše Nnyane tšeo di ngwadišitšwego bakeng sa Motšhelo wa Poelo ya kgwebo di ka kgetha go ngwadiša bakeng sa VAT.

2. Koporeite ya Dikgwebo tše Nnyane (SBC)

Dikgwebo tše nnyane tša poelo ya kgwebo ya go fihla go R20 million di ka khwalifaya go lefela Motšhelo wa Letseno ka tekanyo ya go fokotšwa ya motšhelo. Ge eba o laetša gore o kgwebo ennyane go Pušetšo ya gago ya Motšhelo wa Letseno (ITR14), gomme o fihlelela dinyakwa ka moka, ditekanyo tša go fokotšwa di tla diršwa ka go itiriša. Ga go hlokege go dira kgopelo ya ditekanyo tša go fokotšwa ka lebaka la gore maemo a SBC a tla laetšwa ka tirišo ya gago ya ITR14.

Motšhelo wa Boleng bja Tlaleletšo (VAT)

Dikgwebo tša poelo ya kgwebo ya go akanywa ya go feta R1 million di swanetše go ngwadiša go lefiša 15% ya VAT go dithoto le ditirelo tša go tšheledišwa.

Magoro a ngwadišo ya VAT:

Ngwadišo ya kgapeletšo	Ngwadišo ya go ithaopa
O tla kgopelwa go ngwadiša bakeng sa VAT ge eba thekišo ya gago e feta R1 million, mo sebakeng sa dikgwedi tše 12 goba o letetše gore thekišo ya gago e tla feta palo go ya ka boitlemo bja kontraka ya go ngwalwa.	O ka diriša kgopelo ya boithaopo le ge thekišo ya gago e le ka fase ga R1 million. Dinyakwa ke gore thekišo yeo e dirilwego e fetišitše mogato wa R50 000, gpba e ka fetiša R50 000 ka sebaka sa dikgwedi tše 12. Ngwadišo bakeng sa VAT ka tirišo ya SARS eFiling eka pejana gape e bonolo.

Lefela Ka ge o Gola (PAYE)

Mongmošomo yo a ngwadišitšwego o swanetše go ngwadiša le SARS bakeng sa PAYE o tla kgopelwa go ngwadiša le go lefela dikabelo tša Levi ya Tšwetšopele ya Mabokgoni (SDL) le Sekhwama sa Enšorense ya go Felelwa ke mošomo (UIF) go SARS.

Kgonthiša gore o ngwadiša le SARS mo matšatšing a 21 a kgwebo ya SARS morago ga go ba mongmošomo, goga PAYE le UIF go megolo goba megolwana ya bašomi ba gago gomme o lefele SARS kgwedi ka kgwedi. Ditefelo tše di swanetše go dirwa mo matšatšing a šupa (7) morago ga mafelo a kgwedi. Fao megolo ya bašomi e lego ka fase ga morumo, gabjale e lego R83 100 ka ngwaga, ga go lefelwe PAYE.

Motšhelo wa Sebakanyana

Dikhamphani ka moka di ngwadišwa ka othomethiki bakeng sa Motšhelo wa Sebakanyana morago ga ngwadišo ya Motšhelo wa Letseno la Khamphani Batho bao ba nago le dikgwebo tše nnyane gomme ba gola letseno go tšwa go kgwebo yeo, ntle le mogolo, ba swanetše go ngwadiša bakeng sa Motšhelo wa Sebakanyana. O swanetše go tlatša le go romela Pušetšo bakeng sa Tefelo ya Motšhelo wa Sebakanyana (IRP6) gabedi ka ngwaga le go dira tefelo ya tekanyo ya letseno la gago.

Pušetšo ye e ka faelwa ka SARS eFiling. Ge eba mohlomongwe ga se o ngwadiše bakeng sa Motšhelo wa Palomoka ya poelo, ga o hloke go romela IRP6.

Motšhelo wa Letseno la Khamphani (CIT)

Dikhamphani di swanetše go laodiša letseno la lona ka ngwaga ka go romela Pušetšo ya Motšhelo wa Letseno (ITR14) ge ngwadišo ya yona e feditšwe. Taodišo e be e nepagetšego, e hlalose letseno ka moka le diitshenyagalelo go efoga go kelo ya motšhelo ya go fetiša goba ya ka fase. Dikhamphani le dikoporeiti tša go tswalelwa di lefela tekanyo ya ngwaga ya go lekanela ya 28%.

Dinako tša thomelo ya Pušetšo ya Motšhelo go ya ka mohuta wa motšhelo

Mohuta wa motšhelo	Makga a thomelo	Fomo ya Motšhelo	Dingwalwa
Motšhelo wa Letseno la Khamphani (CIT)	Ga tee ka ngwaga ka ge ngwaga wa mafelelo wa khamphani o fela	ITR14	Khamphani e na le dikgwedi tše 12 go romela ITR14 ka morago ga Mafelelo a ngwaga wa tšhelete Mafelelo a ngwaga wa tšhelete a laetšwa go setifikeiti sa ngwadišo ya khamphani go tšwa go CIPC.
Motšhelo wa Letseno la Mong (bakeng sa batho bao ba itšhomelago)	Ga tee ka ngwaga bjale ka SARS e tla be e begile ka setlha sa motšhelo	ITR12	Bagweba Noši, bao ba itšhomelago le batho ka noši ka go kgwebišano ba ka laodiša matseno a dikgwebo tša bona go dipušetšo tša bona tša motšhelo wa mong.
VAT	Dikgwedi tše dingwe le tše dingwe tše 2 pele ga la di-25	VAT201	Nako e tla fiwa ka ngwadišo gomme dikhamphani tše dingwe di ka kgopelwa go romela kgwedi ka kgwedi.
PAYE	Kgwedi ka kgwedi pele ga di-7	EMP201	Thomelo e ka dirwa mo matšatšing a šupa morago ga kgwedi yeo motšhelo o gogilwego go tšwa go mošomi
Motšhelo wa Sebakanyana	Gabedi ka ngwaga	IRP6	Bakeng sa dikhamphani: Thomelo ya mathomo e dirwa mo dikgwebing tše 6 go tloga mathomong a mafelelo a ngwaga wa tšhelete Thomelo ya bobedi e dirwa mafelelong a ngwaga wa gago wa tšhelete. Bakeng sa batho ka noši: thomelo ya mathomo e dirwa ka 30 Agosetose gomme thomelo ya bobedi ke ya 28/9 Feberware ngwaga ka ngwaga.
Motšhelo wa Poelo ya kgwebo	Ga tee ka ngwaga	TT03	Thomelo ya motšhelo wa palomoka ya poelo e dirwa ga tee ka ngwaga go ya ka mafelelo a ngwaga wa tšhelete wa khamphani goba thomelo ya dipušetšo tša motšhelo wa letseno wa ngwaga, magareng ga 1 Julae le 31 Janaware wa ngwaga wo o latelago bakeng sa motho ka noši.
Poelanyo ya Nakwana ya Dipuku tša mon-gošomo	Mafelelong a Oktobore le mafelelong a Mei	EMP501	Dithomelo tša mathomo tša nakwana di romelwa mafelelong a Oktobore gomme dithomelo tša mafelelo ke tša mafelelo a Mei

DISCLAIMER: The information contained in this leaflet is intended as guidance only and is not considered to be a legal reference, nor is it a binding ruling. The information does not take the place of legislation and readers who are in doubt regarding any aspect of the information displayed in the leaflet should refer to the relevant legislation, or seek a formal opinion from a suitably qualified individual.

Go hwetša tshedimošo enngwe o ka –

- » Etela letlakala la Kgwebo e Nnyane go wepsaete ya SARS www.sars.gov.za.
- » Letšetša SARS Contact Centre go 0800 007277
- » Dira peeletšo ya kopano go lekala la SARS ka sesteme ya rena ya eBooking go www.sars.gov.za
- » Ge eba o letša o le mosetša; go +27 11 602 2093 (fela magareng ga 8am le 4pm ka nako ya ka Afrika Borwa).

Contact Us



e-Contact

Visit the Small Business page on the SARS website
www.sars.gov.za

Book an appointment on
www.sars.gov.za



Phone

SARS Contact Centre
0800 007277

If calling from abroad,
on +27 11 602 2093
(only between 8am and
4pm South African time).

SCAN ME



Follow us on



2020

